

Broj: 03-04-282-2/20
Sarajevo, 09.03.2020. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:	10-03-2020		
Org. jed.	Broj	Priloga	Vrijednost
05/2	-02-42	20	

PARLAMENT FEDERACIJE BOSNE I HERCEGOVINE

Dom naroda

gosp. Vibor Handžić, delegat

gosp. Izmir Hadžić, sekretar

Predmet: Odgovor na delegatsku inicijativu

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u vezi sa članom 104. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br: 27/03 i 21/09), u prilogu Vam dostavljam akt Federalnog ministarstva poljoprivrede, vodoprivrede i šumarstva, broj: 07-2-21/2-328/20 HA od 05.03.2020. godine, koji sadrži odgovor na delegatsku inicijativu, koju je podnio delegat Vibor Handžić.

S poštovanjem,

SEKRETAR VLADE

mr. sc. Edita Kalajdžić




Prilog: kao u tekstu

Broj: 07-2-21/2-328/20 HA
Sarajevo, 05.03.2020. godine

- DOM NARODA PARLAMENTA FEDERACIJE BiH
N/r sekretar Izmir Hadžiavdić

⊖ VLADA FEDERACIJE BiH
N/r sekretar Edita Kalajdžić



PREDMET: Inicijativa delegata Doma naroda Parlamenta Federacije BiH Vibora Handžića, **odgovor**, dostavlja se-

Veza: -Akt Doma naroda Parlamenta FBiH broj: 05/2-02-42/20 od 18.02.2020. godine,
-Akt sekretara Vlade Federacije broj: 03-04-282-2/2020 od 26.02.2020. godine.

U skladu sa nadležnostima Federalnog ministarstva poljoprivrede, vodoprivrede i šumarstva, a vezano za delegatski inicijativu koju je **delegat Vibor Handžić** pokrenuo na 5. sjednici Doma naroda Parlamenta FBiH održanoj 13.02.2020: „da se u Program javnih investicija Federacije BiH 2020-2022 (i PIMIS) i u Jedinствenu listu infrastrukturnih projekata za sektor okoliša (SSPP lista) uvrsti glavni **projekat Rekonstrukcije kolektora Bjelašnica – Hadžići**, kako bi se omogućio pristup međunarodnim sredstvima u svrhu zaštite izvorišta rijeke Bosne“, **dajemo**

ODGOVOR

Uvidom u Program javnih investicija Kantona Sarajeva 2020.-2022 (a time automatski i u PIMIS), u okviru kandidiranih projekata ispred Ministarstva komunalne privrede i infrastrukture Kantona Sarajevo pod tačkom 19. je uvršten „Glavni projekat rekonstrukcije dijela kolektora Bjelašnica - Hadžići (dionica Hadžićki kolektor - Brezovača)“ u iznosu od 2.148.000 KM. Pri tome napominjemo da navedena problematika u isključivoj nadležnosti Kantona Sarajevo / resornih ministarstava i KJKP doo Vodovod i kanalizacija Sarajevo, te da su i do sada vršene parcijalne rekonstrukcije navedenog kolektora (Fond za zaštitu okoliša FBiH i dr.).

Ukoliko se delegatska inicijativa odnosi na projekat već uključen u kantonalni Program javnih investicija (PJI), prema uputama Federalnog ministarstva finansija nije moguće isti uvrstiti u PJI Federacije BiH, jer isti projekat ne može biti na obje liste (federalnoj i kantonalnoj).

Shodno navedenom potrebno je prethodno utvrditi da li se ovo delegatsko pitanje odnosi na čitav kolektor ili na projekt već uključen u PJI Kantona Sarajevo, ili dr.

Vezano za inicijativu za uvrštavanje projekta na Jedinствenu listu infrastrukturnih projekata BiH za sektor okoliša (SSPP lista), Vlada Federacije na svojoj 172. sjednici održanoj 27.02.2019. godine razmatrala i prihvatila informaciju o izradi Jedinствene liste infrastrukturnih projekata BiH za sektor okoliša.

Poziv za reviziju SSPP liste iz 2019. godine bio je objavljen na web-stranicama Agencija za vode, sa rokom za dostavu PIF obrazaca do 15.09.2019. godine - naš akt upućen kantonima broj: 07-2-25/2-902/19 AI od 17.06.2019. godine (**u prilogu**), ali nova procedura usvajanja SSPP liste još nije okončana.